

New Era

25.08.2008

Ozombunde Zaraisa Kutja Ombazu Zatiza

Kae Matundu-Tjiparuro

OKAHANDJA Nandarire kutja ovitjitua vyo muhiva kavyananene ovandu ovengi pupetapi, ozombunde novatone varaisire kutja ombazu yOvaherero yomuhiva noutjina, mbyari yovina ovititi omundu mbimovara keke vyombazu pendje nozonderere, zombimbi nozondoro, ihi tjari tjimwe tjtjitua tjtjikoro pomayamberero wombura indji muno. Ovimbumba vyo Vaherero nOvambanderu omayuva womasuviro ngazuko vya woronganene muno mowingi nounyanu wawo komaamberero wombura aihe kozombangane zomuhoko. Ombura indji otjina ihi tjari notjivara tjapeke tjinga ozombepo zomuhoko aizeri kumwe napehakara omananasaneno na ukayenda pamwe mokusembamisa otjitjitua ihi. Tjingetjo wina indji ondjari ombembo ndjaa ihingi. Orovyungura mapeta tjandje pona paseti nombara onene Kaihepovazandu Maharero novakwao tjandje veri pezuko rao okuyakura ovimbumba kombazu nokuveumba omeva. Tjingetjo ozongavire tjandje zeri kovikavirwa vyazo nozo trupa zopehi tjandje zeri motjiungura tjazo tjokunderera. Tjingetjo outa wozombimbi nozondoro tjandje warumbirwa mumwari otjimbumba tjtropa yOmbanderu kehi yovanane vovihako vyokombanda merapi rotjingirine Kuaima Hikuama na Kahamboumue Ndjoze. Tjingetjo Karikondua Nguvauva, ina yOmbara yOvambanderu, Keharanjo II Nguvauva, Orovyungura tjandje uri muno notjimbumba tjomasa tjombara Keharanjo II. Nandarire kutja omuhiva noutjina kawananene ombango yovengi mbari pomayamberero, nandarire potjitjitua ihi tjipehina pamunikire umwe wovanane vombazu okuyandja okuwoko kotjitjitua tjombazu otjinahepe ihi, kapena okupatasansiwa kutja otjtjari ongongo tjipari nozondone nderiraisire kutja tjizeheri ozondone za katjoruhonga ozo izemwe zozodnone zopohonga zomuzumbi imbwi wombazu mo Namibia na momuhoko wOvaherero nOvambanderu. Mbapere otjitjitua ihi otjivara tjapeke navenyanukisa ovasuvere vombazu outiti mbaripo yari ozondone Ngatangwe Tjiueza wa Kahanndja na Maejooka okuza kOtjomuise. Otjitjitua ihi tjasembamisirwe okuwongera okomando ya Tjomuise yotjiserandu okamariva. Kongotue yozombunde inda kwari ozoserekaze ndevpere omasa tjinga azehari nomukona mokukamburira ozondone ozo tjizazu nokutapehi omambo wazo. Ozondone mokutona no kwiimbura kwao vapambarere noruteto nduaarutja omivero vyayezewa. Erero ovimbumba otji vya katjirwire kozongungu okukayambenga omake kovati novakuru nozombangane ozombara Samuel Maharero, Hosea Kutako, Clemence Kapuu, David Ndisiro, na Eliphaz Tjingaete novakwao varwe ovengi tjimuna Ebson Kapuu na Levy Nganjone.